


隱公
桓公
莊公

春秋
一



春秋卷第一

左氏傳

隱公

元年春王正月

隱公之始年周王之正月人君即位欲其體元言以居正故不惠公元妃

孟子

元妃始適夫

孟子卒繼室以聲子生隱公

聲謚蓋孟子之姪

事猶不得稱夫人故謂之攝治

室內宋武公生仲子



仲子生而有文在其手曰為魯夫人故仲子歸

于我婦人謂嫁曰歸生桓公而惠公薨是以隱公立而

奉之隱公繼室子當嗣世以禎祥之故追成父志為桓尚少立為大子帥國人奉之元

年春王周正月周以建子為正不書即位攝也攝行君政

三月公及邾儀父盟于蔑

邾公作邾婁後穀作昧

○蔑魯地魯侯爵而稱公臣子之辭此私盟之始三月公及邾儀父盟

于蔑邾子克也克儀父名未王命故不書爵曰儀父

貴之也公攝位而欲求好於邾故為蔑

之盟附庸之君未王命例稱名能自通大國繼好息民故書字貴之夏四月

費伯帥師城郎不書

非公命也費伯魯大夫郎魯邑

五月鄭伯克段

于鄆

鄆鄭地

初鄭武公娶于申曰武姜生莊公

及共叔段申國名姜姓段出

奔共故曰共叔

莊公寤生

驚姜氏故名曰寤生寐時生公遂惡之愛共叔

段欲立之亟請於武公公弗許及莊公即位為

之請制公曰制巖邑也號叔死焉佗邑唯命號叔

東號君特制請京使居之謂之京城大叔大音

巖險鄭滅之祭仲曰都城過百雉國之害也祭仲鄭大夫

名邑先王之制大都不過參國之一城也中五

之一小九之一今京不度非制也君將不堪公

曰姜氏欲之焉辟害辟音避對曰姜氏何厭之有

不如早為之所無使滋蔓蔓難圖也蔓草猶不

可除况君之寵弟乎公曰多行不義必自斃子

姑待之斃路也既而大叔命西鄙北鄙貳於已鄙邊

邑貳兩屬公子呂曰國不堪貳君將若之何公子呂鄭大夫

子封欲與大叔臣請事之若弗與則請除之無生

民心公曰無庸將自及言無用除之大叔又收貳以

為已邑貳謂前兩屬者至于廩延子封曰可矣厚將得

衆廩延鄭邑厚謂土地廣大公曰不義不暱厚將崩暱親也大

叔完聚完城郭繕甲兵具卒乘將襲鄭夫人將

啓之

武夫人即姜

公聞其期曰可矣命子封帥車二

百乘以伐京

兵車一乘甲士三人

京叛大叔段段

入于鄆公伐諸鄆五月辛丑大叔出奔共

共國名

書曰鄭伯克段于鄆段不弟故不言弟如二君

故曰克稱鄭伯譏失教也謂之鄭志不言出奔

難之也

不早為之所養成其惡故曰失教段實出奔以克為文明鄭伯志在殺段難言

其奔遂寘姜氏于城潁而誓之曰不及黃泉無相

見也既而悔之潁考叔為潁谷封人

城潁鄭地封人典封

疆者聞之有獻於公公賜之食食舍肉公問之對

曰小人有母皆嘗小人之食矣未嘗君之羹

謂肉

羹之請以遺之公曰爾有母遺繫我獨無潁考叔

曰敢問何謂也公語之故且告之悔對曰君何

患焉若闕地及泉隧而相見其誰曰不然

闕掘也

道地中公從之公入而賦大隧之中其樂也融融

姜出而賦大隧之外其樂也洵洵

賦賦詩也融融和樂也洵

洵舒散也遂為母子如初君子曰

君子曰者左氏設言以為斷潁

考叔純孝也愛其母施及莊公詩曰孝子不匱

永錫爾類其

是之謂乎

秋七月天王使宰咺

來歸惠公仲子之賵

桓音烜宰官桓名此王室下交之諸侯秋七月天

王使宰咺來歸惠公仲子之賵緩且子氏未薨

故名

惠公葬在春秋前故曰緩字氏仲子也天賜助喪之物天子大夫稱字貶而名之

子七月而葬同軌畢至諸侯五月同盟至大夫

三月同位至士踰月外姻至贈死不及尸吊生

不及哀豫凶

八月紀人伐夷夷不告故不

事非禮也

書

夷國名

有蜚不為災亦不書

蜚食蟲

九月及宋人盟于宿

宋人微者也及者公也及者公也恥也宿

小國惠公之季年敗宋師于黃黃宋邑公立公

而求成焉九月及宋人盟于宿始通也冬十月

庚申改葬惠公公弗臨故不書惠公之薨也有

宋師太子少葬故有闕是以改葬衛侯來會葬

不見公亦不書弗臨鄭共叔之亂公孫滑出

改葬不見衛侯見奔衛滑段之子衛人為之伐

鄭取廩延鄭人以王師號師伐衛南鄙號西國請

師於邾邾子使私於公子豫私請師也豫請往

公弗許遂行及邾人鄭人盟于翼翼邾地不

書非公命也新作南門不書亦非公命也十

有二月祭伯來

祭國伯爵諸侯為王卿士者此王臣私交之始

也

公子益師卒

衆父卒衆音終衆公不與小斂故不書日卒必

書日小斂大斂

君皆親臨

二年春公會戎于潛

潛魯地戎徐戎不稱君外之也書月在時例則不

書王此書會之始

二年春公會戎于潛

脩惠公之好也戎請盟公辭

夏五月莒

人入向

向音尚國名姜姓此入國之始 莒子娶于向向姜不安莒而歸夏莒人入向以姜氏

還無駭帥師入極

駭穀作後後同族無駭魯卿未賜族者極小國此大司

空無駭入極費季

父勝之 父音琴費伯也

秋八月庚辰公及

我盟于唐

唐魯地此盟戎之始 我請盟秋盟于唐復脩戎好也

九月

紀裂繻來逆女

裂繻公穀作履綸 紀裂繻來逆女卿為君

逆也冬十月伯姬歸于紀伯姬魯女內女為諸侯夫人則書逆書歸

紀子帛莒子盟于密帛公穀作伯○子帛裂繻字密相盟之始冬紀

子帛莒子盟于密魯故也莒魯有怨紀侯昏于魯使大夫盟以解之十有二月乙卯

夫人子氏薨桓公之母鄭人伐衛此諸侯專征伐始鄭人

伐衛討公孫

滑之亂也

三年春王二月己巳日有食之

事在二月則書王二月

月不書朔史失之

三月庚戌天王崩

三年春王三月

壬戌平王崩赴以庚戌

故書之

欲諸侯速至故遠日以赴

夏四月辛卯君

氏卒

君公穀作尹

夏君氏卒聲子也不赴于諸侯不反哭于寢不祔于姑故不曰薨不稱

夫人故不言葬不書姓為公故

鄭武公莊

曰君氏

隱攝故不敢備禮特書君氏以別凡妾媵

公為平王

卿士卿士王卿之執政者王貳于虢虢西虢公鄭伯怨王王曰

無之故周鄭交質王子狐為質於鄭鄭公子忽

為質於周忽莊公王子王崩周人將畀虢公政四

月鄭祭足帥師取溫之麥秋又取成周之禾祭足

仲即祭周鄭交惡疾惡君子曰信不由中質無益

也明恕而行要之以禮雖無有質誰能間之苟

有明信澗谿沼沚之毛毛草也蘋蘩蕓藻之菜蘋蘩

藻皆水草筐筥錡釜之器方曰筐圓曰筥有足曰錡無足曰釜

潢汙行潦之水潢汙傳水可薦於鬼神可羞於

王公也差進而况君子結二國之信行之以禮又

焉用質風有采繁采蘋雅有行葦洞

酌昭忠信也

行忠信雖薄物皆可為用為桓五年王伐鄭傳

秋武

氏子來求賻

武氏子天子大夫之嗣

武氏子來求賻王未葬也

新王當喪未葬故武氏子

稱父族不稱使

八月庚辰宋公和卒

宋穆公疾召大

司馬孔父

孔子六世祖

而屬殤公焉曰先君舍與夷

而立寡人

先君穆公兄宣公也與夷殤公名宣公

寡人不敢忘若

以大夫之靈得保首領以沒先君若問與夷其

將何辭以對請子奉之以主社稷寡人雖死亦

無悔焉對曰羣臣願奉馮也馮穆公公曰不可

先君以寡人為賢使主社稷若棄德不讓是廢

先君之舉也豈曰能賢光昭先君之令德可不

務乎吾子其無廢先君之功使公子馮出居于

鄭辟殤公也八月庚辰宋穆公卒殤公即位君子曰

宋宣公可謂知人矣立穆公其子饗之命以義

夫命出於義商頌曰殷受命咸宜百祿

是荷其是之謂乎為桓二年宋立公子馮起本冬十有

二月齊侯鄭伯盟于石門

石門齊地來告故書此

特相盟之始

冬齊鄭盟于石門尋盧之盟也

盧齊地盟在春

秋前庚戌鄭伯之車僨于濟

僨僵也濟水名既盟而遇大風記異也

二月無庚戌日

誤

癸未葬宋穆公

穆公穀作繆魯使大夫會葬故書後倣此

四年春王二月莒人伐杞取牟

婁

牟婁杞邑此伐之國取邑始

戊申衛州吁弑其君

州穀作祝後同○州吁不稱公子去屬籍以誅之

衛莊公娶于齊

完

東宮得臣之妹曰莊姜得臣齊大子震為長男故大子常處

東宮東宮姜而無子衛人所為賦碩人也碩人詩又娶

于陳曰厲嬀生孝伯早死其娣戴嬀生桓公莊

姜以為己子戴嬀陳姓厲公子州吁嬖人之子也

有寵而好兵公弗禁莊姜惡之石碏諫曰臣聞

愛子教之以義方石碏衛大夫弗納於邪驕奢淫佚

所自邪也四者之來寵祿過也將立州吁乃定

之矣言宜早若猶未也階之為禍夫寵而不驕

驕而能降降而不憾憾而能矜者鮮矣矜音軫重也言

不能自重且夫賤妨貴少陵長遠間親新聞舊小加

大淫破義所謂六逆也君義臣行父慈子孝兄

愛弟敬所謂六順也去順效逆所以速禍也君人者將禍是務去而速之無乃不可乎弗聽其子厚與州吁游禁之不可桓公立乃夏公

老

老致仕也

四年春衛州吁弑桓公而立

夏公

及宋公遇于清

遇者草次之期清公與衛邑此書遇之始宋公為會將尋宿之盟

未及期衛人來告亂夏公及宋公遇于清

宿盟在元年因衛亂而簡其禮

宋公陳侯

蔡人衛人伐鄭

此諸侯會伐之始亦東諸侯分黨之始殤公之即位也公子馮

出奔鄭鄭人欲納之及衛州吁立將修先君之

怨於鄭

二年鄭人伐衛

而求寵於諸侯以和其民使告

於宋曰君若伐鄭以除君害

害謂宋公子馮

君為主敵

邑以賦與陳蔡從則衛國之願也

賦調也

宋人許

之於是陳蔡方睦於衛故宋公陳侯蔡人衛人

伐鄭圍其東門五日而還公問於衆仲曰衛州

吁其成乎

衆仲魯大夫

對曰臣聞以德和民不聞以

亂以亂猶治絲而棼之也

棼亂也

夫州吁阻兵而

安忍

阻時也

阻兵無衆安忍無親衆叛親離難以

濟矣夫兵猶火也弗戢將自焚也

戢止也

夫州吁

弑其君而虐用其民於是乎不務令德而欲以亂成必不免矣秋翬帥師

會宋公陳侯蔡人衛人伐鄭翬魯大夫

羽父此大夫

會伐之始秋諸侯復伐鄭宋公使來乞師公

辭之羽父請以師會之公弗許固請而行故書

曰翬帥師疾之也

疾其強君以不義內大夫敗則去族稱名

諸侯之師敗鄭徒兵取其禾而還

徒步兵也

九月

衛人殺州吁于濮

人得討之故稱州人濮陳地水名州吁未能和其民厚

問定君於石子石磻石子曰王覲為可曰何以得

覲曰陳桓公方有寵於王陳桓公生而稱謚蓋左氏追書陳衛

方睦若朝陳使請必可得也厚從州吁如陳石

磻使告于陳曰衛國褊小老夫耄矣無能為也

此二人者實弑寡君敢即圖之陳人執之而請

泣於衛請衛自臨討之九月衛人使右宰醜泣殺州吁

于濮右宰官醜名石磻使其宰孺羊肩涖殺石厚于

陳孺音羊肩姓名臣君子曰石磻純臣也惡州吁

而厚與焉大義滅

親其是之謂乎
冬十有二月衛人

立晉

晉桓公弟無天子先衛人逆公子晉于君之命故不書公子

立晉衆也

稱人衆之所欲立也

五年春公矢魚于棠

矢公穀作觀○矢陳也棠濟上邑

如棠觀魚者

魚捕也

臧僖伯諫曰凡物不足以講

大事

臧僖伯公子疆大事祀與戎

其材不足以備器用則君

不舉焉

材謂皮革齒牙骨角毛羽

君將納民於軌物者也故

講事以度軌量謂之軌

度音

取材以章物采謂

之物不軌不物謂之亂政亂政亟行所以敗也

故春蒐夏苗秋獮冬狩蒐擇取不孚者苗為苗除害獮殺也狩圍守也

皆於農隙以講事也三年而治兵入而振旅振

也歸而飲至以數軍實告至於廟因而飲酒以數車徒器械及所獲也

昭文章車服明貴賤田獵之制辨等列等列順

少長出則少者在後習威儀也鳥獸之肉不登於

俎俎祭器皮革齒牙骨角毛羽不登於器則公不

射古之制也若夫山林川澤之實器用之資皂

隸之事官司之守非君所及也士臣皂皂臣公

曰吾將略地焉遂往陳魚而觀之陳捕魚之備僖伯

稱疾不從書曰公矢魚于

曲沃莊伯以鄭

崇非禮也且言遠地也

人邢人伐翼曲沃

晉穆侯子成師邑莊伯成師子翼晉舊都王使尹氏武氏助

之翼侯奔隨尹氏武氏皆周世族大夫

夏四

月葬衛桓公

也諸侯爵而稱公國人私謚也夏葬衛桓公衛亂是以

緩討賊

四月鄭人侵衛牧以報東門之役衛

葬而後

人以燕師伐鄭牧衛邑鄭祭足原繁

洩駕以三軍軍其前使曼伯與子元潛軍軍其

後燕人畏鄭三軍而不虞制人六月鄭二公子

曼伯子元以制人敗燕師于北制北制即制

一名虎牢君子曰不備不虞不可以師

秋曲沃叛王秋王

命虢公伐曲沃而立

哀侯于翼哀侯翼侯之哀侯光也

衛師入郕

郕公作盛後同國名衛

之亂也郕人侵

衛故衛師入郕

九月考仲子之宮初

獻六羽

考成也諸侯無二宮將萬焉萬舞也公問羽數於衆仲

執羽人數對曰天子用八八八六諸侯用六六六三

大夫四四四四士二二二二夫舞所以節八音而

行八風

八音金石絲竹匏土
草木八風八方之風

故自八以下公從

之於是初獻六羽始用六佾也

魯唯文王周公廟得用八他公

遂僭用之

邾人鄭人伐宋

宋人取邾田邾人告於鄭曰請君釋

憾於宋敝邑為道

導道向鄭人以王師會之

王師不書

不以告也

伐宋入其邾以報東門之役宋人使來告

命

告受伐

公聞其入邾也將救之問於使者曰師

何及對曰未及國

忿公知而故問

公怒乃止辭使者曰

君命寡人同恤社稷之難今問諸使者曰

師未及國非寡人之所敢知也

為七年伐邾傳

螟

食苗心蟲

冬十有二月辛巳公子驅卒

冬十二月辛巳臧僖伯卒公曰叔父有憾於寡

人有憾僖伯惠公弟故曰叔父寡人弗敢忘葬之加

一宋人伐鄭圍長葛此書圍之始宋人伐

入郭之

役也

六年春鄭人來渝平渝公穀作輸。和而不盟日平。六年春鄭人來

渝平更成也

渝變也言變仇而更

翼九宗五正頃父

平也公為公子戰于狐壤為鄭所獲與鄭有仇

之子嘉父

唐叔始封受懷

姓九宗職官五正世為強家九宗一

逆晉侯于

隨納諸鄂

鄂別邑

晉人謂之鄂侯

即翼侯翼已立哀侯故別居鄂

夏五月

五月庚申鄭伯侵陳大獲往歲鄭伯請成于陳陳侯不許五父諫曰

親仁善鄰國之寶也君其許鄭

五父陳公子佗

陳侯曰

宋衛實難鄭何能為遂不許君子曰善不可失

惡不可長其陳桓公之謂乎長惡不悛從自及

也雖欲救之其將能乎商書曰惡之易也如火

之燎于原不可鄉邇其猶可撲滅周任有言周

夫曰為國家者見惡如農夫之務去草焉艾

夷蘊崇之絕其本根勿使能殖辛酉公會

則善者信矣蘊積也崇聚也言積聚以朽之

齊侯盟于艾艾齊地夏盟于艾始平春秋前魯秋

七月無事而書首月冬宋人取長葛秋宋人取長葛

取冬京師來告饑公為之請糴於宋

告衛齊鄭禮也言京師而不王命故傳

鄭伯如周始朝桓王也王不禮焉周桓公言於

王曰我周之東遷晉鄭焉依周桓公周公黑肩也平王東徙晉文

侯鄭武公左右王室善鄭以勸來者猶懼不

既既音既至也况不禮焉鄭不來矣

七年春王三月叔姬歸于紀

叔姬伯姬

婦待年於

父母國者

滕侯卒

七年春滕侯卒不書名未同盟也凡諸侯同盟於是

稱名

以名告神

故薨則赴以名告終稱嗣也以繼好

息民謂之禮經

劉敞曰左氏云不書名未同盟非也嘗同盟者卒未必皆名未

同盟者卒未必皆
不名俞鼻曰凡
諸侯書卒不日
不名皆史闕文

夏城中丘

中丘魯地
此書上功
始之夏城中

丘書不
時也
齊侯使其弟年來聘

此列國
來聘之
始齊侯

使夷仲年來聘

結艾之盟也

秋公伐邾

秋宋及鄭平七
月庚申盟于宿

公伐邾為宋討也

鄭與宋盟故懼而
伐邾欲以求宋也

冬天王使凡伯來

聘我伐凡伯于楚丘以歸

凡國伯
爵周卿
士楚丘
衛地此

王聘之始亦戎患之始

初戎朝于周設幣于公卿也設陳凡

伯弗賓冬王使凡伯來聘還戎伐之于楚丘以

歸



陳及鄭平十二月陳五父如鄭涖盟壬

申及鄭伯盟軟如忘洩伯曰五父必不

免不賴盟矣

洩伯鄭洩駕

鄭良佐如陳涖盟

良佐鄭大夫

辛巳及陳侯盟亦知陳之將亂也

為桓五年六年陳亂張本

八年春宋公衛侯遇于垂

垂衛地即犬丘八年春

齊侯將平宋衛

平宋衛於鄭

有會期宋公以幣

請於衛請先相見衛侯許之故遇于犬丘

三

月鄭伯使宛來歸祊庚寅我入

祊

祊公穀作邠後同。鄭伯請釋泰山之祀

而祀周公以泰山之祊易許田三月鄭伯

使宛來歸祊不祀泰山也

釋廢也。成王營王城賜魯許田以為朝宿

之邑。後立周公別廟。鄭有助祭泰山湯沐之邑。在祊。鄭欲以祊易許田。各從所近。故孫辭以求

夏

虢公忌父始作卿士于周



鄭公子忽在王所故陳侯請妻之鄭伯許之乃

成昏四月甲辰鄭公子忽如陳逆婦嬀辛亥以嬀氏歸甲寅入于鄭陳鍼子送女先配而後祖

鍼子曰是不為夫婦誣其祖矣非禮

也何以能育

鍼子陳大夫禮逆婦必先告祖廟而後行

六月

己亥蔡侯考父卒○辛亥宿男

卒○秋七月庚午宋公齊侯衛

侯盟于瓦屋

瓦屋周地此參盟之始齊人卒平宋衛于鄭秋會于溫盟于瓦

屋以釋東門之役

禮也

定國息民故曰禮也

八月葬蔡宣公○

八月丙戌鄭伯以齊人

朝王禮也

八月無丙戌日誤

九月辛卯公及

莒人盟于浮來

浮公穀作包○莒人微者屬禮以盟卑病公也浮來杞邑此特公及莒會外大夫之始

人盟于浮來以成紀

好也

二年紀莒盟于密為魯故

螟○冬

齊侯使來告成三國

公使衆仲對曰君釋三國之圖以鳩其民

鳩集也

君之惠也寡君聞命矣敢不承受君之明德

十有二月無駭卒

無駭卒羽父請謚與族也族氏公問族

於衆仲衆仲對曰天子建德立有德因生以賜

姓因其所由胙之土而命之氏因其所封諸侯

以字諸侯不得賜姓故其為謚因以為族或以

族謚為官有世功則有官族邑亦如之謂取其舊

稱為族公命以字為

展氏無駭公子

九年春天王使南季來聘

南氏季字天子大夫

三月癸酉大雨震電庚辰大雨

雪

九年春王三月癸酉大雨霖以震書始也

微陽始出既震電又雨雪皆為時失凡雨自三

日以往為霖平地尺為大雪

挾卒

挾公穀夫挾魯大賜

族者

夏城郎

夏城郎書不時也

秋七月

○冬

公會齊侯于防

防公作邴王防魯地宋公不王不共鄭伯為王左卿士以

王命討之伐宋宋以入邾之役怨公不告命公怒絕宋使秋鄭人以王命來告伐宋冬公會齊

侯于防謀

北我北戎侵鄭鄭伯禦之患我

伐宋也

師曰彼徒我車懼其侵軼我也

也軼突

公子突曰使勇而無剛者嘗寇而速去之

鄭厲公

君為三覆以待之覆音副我輕而不整

貪而無親勝不相讓敗不相救先者見獲必務

進進而遇覆必速奔後者不救則無繼矣乃可

以逞從之戎人之前遇覆者奔祝聃逐之祝聃

夫裒我師前後擊之盡殪前後中三處我師大

奔十一月甲寅

鄭人大敗戎師

十年春王二月公會齊侯鄭伯

于中丘

十年春王正月公會齊侯鄭伯于中丘癸丑盟于鄧為師期
鄧魯地 癸丑正

月二十日經誤

夏翬帥師會齊人鄭人伐

宋

疾其專 進故貶 夏五月羽父 先會齊侯鄭伯伐宋

六月壬戌公

敗宋師于菅辛未取郕辛巳取

防

六月戊申公會齊侯鄭伯于老桃地戊申 壬戌公敗宋師于管庚午鄭師

入郕辛未歸于我庚辰鄭師入防辛巳歸于我

君子謂鄭莊公於是乎可謂正矣以王命討不

庭不來庭也不貪其土以勞王爵正

之體也魯侯爵尊鄭以二邑歸魯故曰以勞王爵

秋宋人衛

人入鄭宋人蔡人衛人伐戴鄭

伯伐取之

會王命戴公穀作載戴國名蔡人衛人邠人不伐也秋七月庚寅鄭師

入郊猶在郊鄭師還駐兵於遠郊宋人衛人入鄭宋衛乘虛入鄭

蔡人從之伐戴八月壬戌鄭伯圍戴癸亥克之

取三師焉三國師在戴故鄭伯圍之宋衛既入鄭而以伐戴

召蔡人蔡人怒故不和而敗九月戊寅鄭伯入

宋報入鄭也戊寅

八月二十日誤

冬十月壬午齊人鄭人

入郕冬齊人鄭人入郕討違王命也

十有一年春滕侯薛侯來朝

此諸侯朝

魯之始亦
茲見之始

十一年春滕侯薛侯來朝爭長薛侯

曰我先封

薛祖奚仲
夏所封

滕侯曰我周之卜正也

卜官薛庶姓也我不可以後之

庶姓非周
之同姓

公使

羽父請於薛侯曰君與滕君辱在寡人周諺有

之曰山有木工則度之賓有禮主則擇之周之

宗盟異姓為後寡人若朝于薛不敢與諸任齒

薛任

君若辱貺寡人則願以滕

君為請薛侯許之乃長滕侯

夏公會鄭

伯于時來

夏下公穀有五月時來鄭伯于邾

邾即鄭地夏公會謀伐許也鄭伯

將伐許五月甲辰授兵於大宮

大音泰大公孫宮鄭祖廟

闕與潁考叔爭車

大公孫闕鄭大夫子都

潁考叔挾輶以走

輶車

子都拔棘以逐之

棘戟也

及大逵弗及子都怒

達方九軌

秋七月壬

午公及齊侯鄭伯入許

秋七月公會齊侯鄭

伯伐許庚辰傳于許

傳於許城

潁考叔取鄭伯之旗

螫弧以先登

螫弧旗名

子都自下射之顛

顛隊而死

瑕叔

盈又以螫弧登

瑕叔盈鄭大夫

周麾而呼曰君登矣

周編

也鄭師畢登壬午遂入許許莊公奔衛齊侯以

許讓公公曰君謂許不共不共職貢故從君討之許

既伏其罪矣雖君有命寡人弗敢與聞乃與鄭

人鄭伯使許大夫百里奉許叔以居許東偏許叔

許莊公弟東偏東鄙曰天禍許國鬼神實不逞于許君而

假手于我寡人寡人唯是一二父兄不能共億

父兄同姓羣臣共給也億安也其敢以許自為功乎寡人有弟

不能和協而使餬其口於四方弟共叔段也餬鬻也其況

能久有許乎吾子其奉許叔以撫柔此民也吾

將使獲也佐吾子獲鄭大夫公孫獲若寡人得沒于地

天其以禮悔禍于許無寧茲許公復奉其社稷

無寧也唯我鄭國之有請謁焉如舊昏媾謁告也婦之父

日昏重昏曰媾其能降以相從也降降心也無滋他族實偪

處此以與我鄭國爭此土也吾子孫其覆亡之

不暇而况能裡祀許乎謂許山川之祀寡人之使吾子

處此不唯許國之為亦聊以固吾圉也圉邊垂也乃

使公孫獲處許西偏曰凡而器用財賄無寘於

許我死乃亟去之而汝也吾先君新邑於此武公始遷

河南王室而既卑矣周之子孫日失其序鄭亦周之子孫

夫許大岳之胤也大岳神農之後堯四岳也天而既厭周德

矣吾其能與許爭乎君子謂鄭莊公於是乎有

禮禮經國家定社稷序民人利後嗣者也許無

刑而伐之服而舍之刑法也度德而處之量力而

行之相時而動無累後人可謂知禮矣鄭伯使

卒出為行殺殺行出犬難以詛射潁考叔者百人為卒

君子謂鄭莊公失政刑矣政以治民刑

以正邪既無德政又無威刑是以及邪邪而詛

之將何王取鄆劉蔦邢之田于鄭鄆音塢

益矣邑鄭地而與鄭人蘇忿生之田

溫原絺樊隰郕櫟茅向盟州陘隕懷

皆隕音顏蘇忿生之田君子是以知桓王之失鄭也怨

而行之德之則也禮之經也已弗能有而

以與人人之不至不亦宜乎蘇氏叛王王不能有其邑

鄭息有違言名息國息侯伐鄭鄭伯與戰于竟息

師大敗而還君子是以知息之將亡也不度德

不量力不親親鄭息同不徵辭不察有罪言語相恨

當明徵其辭以審曲直犯五不韙而以伐人其喪師也不

亦宜十月鄭伯以虢師伐宋壬戌大敗宋

乎冬師以報其入鄭也宋不告命故不書

凡諸侯有命告則書不然則否命者國之太事政令師出

臧否亦如之雖及滅國滅不告敗勝不告克不

書于

策

十有一月壬辰公薨

實弒書薨又不諱也羽

父請殺桓公將以求大宰

大宰官名

公曰為其少故

也吾將授之矣

授桓位

使營菟裘吾將老焉

菟裘魯邑

羽父懼反譖公于桓公而請弒之公之為公子

也與鄭人戰于狐壤止焉

內諱獲故言止狐壤鄭地

鄭人囚

諸尹氏

尹氏鄭大夫

賂尹氏而禱於其主鍾巫

主尹氏所

主祭

遂與尹氏歸而立其主

立鍾巫於魯

十一月公祭

鍾巫齊于社圃

社圃園名

館于寫氏

寫音委寫氏魯大夫

壬辰

羽父使賊弒公于寫氏立桓公而討寫氏有死

者

欲以弑君之罪加寫氏不

書葬不成喪也

春秋卷第一

春秋

卷一

二十五

春秋左傳卷一

春秋左傳卷一

春秋左傳卷一

春秋卷第二

左氏傳

桓公

元年春王正月公即位

桓無王元年有王所以治桓也書即位著

其自立之罪元年春公即位脩好于鄭鄭人請復祀周公卒易祊田公許之

三月

公會鄭伯于垂鄭伯以璧假許

田夏四月丁未公及鄭伯盟于

越越地名近垂三月鄭伯以璧假許田為周公祊

伯盟于越結祊成也故也加實以祊易許而夏四月丁未公及鄭

盟曰渝盟無享國秋大水平原出水

為大水冬鄭伯拜盟謝越之盟

廣平日原冬十月來則經不書若遣使則當言鄭人疑誤

二年春王正月戊申宋督弑其

君與夷及其大夫孔父

桓無王而二年書王正宋督之罪也宋

華父督見孔父之妻子路

華父督宋戴公孫也

目逆而送

之曰美而豔二年春宋督攻孔氏殺孔父而取

其妻公怒督懼遂弑殤公君子以督為有

無君之心而後動於惡故先書弑其君

滕

子來朝

滕侯書子削弱而自改也

三月公會齊侯

陳侯鄭伯于稷以成宋亂

成平也宋弒其君而四國共成

定之天下之大惡也稷宋地

會于稷以成宋亂為賂故立華

氏也宋殤公立十年十一戰民不堪命孔父嘉

為司馬

嘉孔父字

督為大宰故因民之不堪命先宣

言曰司馬則然已殺孔父而弒殤公召莊公于

鄭而立之以親鄭

莊公入宋不書不告也

以郕大鼎

賂公

郕國所造器也

齊陳鄭皆有賂故遂相宋公

夏

四月取郕大鼎于宋戊申納于

大廟

大廟周公廟

夏四月取郕大鼎于宋戊申納

于大廟非禮也臧哀伯諫曰

臧哀伯魯大夫僖伯

之子君人者將昭德塞違以臨照百官猶懼或失

之故昭令德以示子孫是以清廟茅屋大路越

席

越音活大路易路祀天車越席結草為席

大羹不致

大羹肉汁不和五味粢

食不鑿

黍稷曰粢不精鑿

昭其儉也衮冕黻珽

衮畫衣冕冠黻

蔽膝珽王笏

帶裳幅舄

幅音逼帶革帶衣下曰裳幅行滕舄履

衡紃

紃

紃音臚紃音宏紃音從

紃音延衡維持冠者紃冠之垂者紃者紃

昭其

度也藻率鞞

率音律鞞音丙鞞音華藻率所以藉玉鞞佩刀上飾鞞下飾

鞶厲游纓

鞶紳帶厲帶之垂者游纓在馬膺前

昭其數也火

龍黼黻

火畫火龍畫青謂之黻

昭其文也五色

比象昭其物也

車比象天地四方

錫鸞和鈴昭

其聲也

錫音揚錫在馬額鸞在衡鈴在旗

三辰旂旗昭其明

也

三辰日月星

夫德儉而有度登降有數

登降謂上尊卑

文物以紀之聲明以發之以臨照百官百官於

是乎戒懼而不敢易紀律今滅德立違

謂立華督違命

臣之而寘其賂器於大廟以明示百官百官象之

其又何誅焉國家之敗由官邪也官之失德寵

賂章也郤鼎在廟章孰甚焉武王克商遷九鼎

于雒邑義士猶或非之

伯夷之屬

而况將昭違亂之

賂器於大廟其若之何公不聽周內史聞之曰

臧孫達其有後於魯乎君違不忘諫之以德內史

周大夫官臧孫

達即哀伯

秋七月杞侯來朝

杞公穀作紀

秋

來朝不敬杞侯

歸乃謀伐之

蔡侯鄭伯會于鄧

鄧蔡地

蔡侯鄭伯會于鄧始懼楚

也

楚武王僭稱王欲害中國蔡鄭近楚故懼

九月入杞

不稱主帥

微者

九月入

杞討不敬也

公及我盟于唐

公及我盟于唐

修舊好

也惠隱之好

冬公至自唐

此書至之始

冬公至自

行告于宗廟及行飲至舍爵策勲焉禮也

爵酒器既

飲置爵書勲勞於策特相會往來稱地讓事也

特相會公與一國會

也兩讓會事不成故但書地獨會則自參

以上則往稱地來稱會成事也

三年春正月

三年不書王見桓之無王也



初晉穆侯之夫人姜氏以

條之役生大子命之曰仇

條晉地大子文侯其意取戰相仇怨

弟以千畝之戰生命之曰成師

桓叔也千畝地名意取能成其

衆師服曰異哉君之名子也師服晉大夫夫名以制

義義以出禮禮以體政政以正民是以政成而

民聽易則生亂易反嘉耦曰妃怨耦曰仇古之

命也古有此言今君命大子曰仇弟曰成師始兆亂

矣兄其替乎惠之二十四年晉始亂故封桓叔

于曲沃惠魯惠公晉文侯卒子昭靖侯之孫欒

賓傳之靖侯桓叔高祖師服曰吾聞國家之立也本大

而末小是以能固故天子建國立諸侯也諸侯立家

卿大夫卿置側室側室衆子大夫有貳宗適子為小宗次子為

貳宗士有隸子弟士卑自以其子弟為僕隸庶人工商各有分

親皆有等衰

庶人無復尊卑以親疎為分別衰殺也

是以民服事

其上而下無覲覲今晉甸侯也而建國本既弱

矣其能久乎

諸侯在甸服者

惠之三十年晉潘父弑昭

侯而納桓叔不克

潘父晉大夫

晉人立孝侯

昭侯子

惠

之四十五年曲沃

莊伯伐翼弑孝侯

莊伯桓叔子

翼

人立其弟鄂侯鄂侯生哀侯哀侯侵陘庭之田

陘庭翼邑

陘庭南鄙啓曲沃伐翼三年春曲沃武公

伐翼次于陘庭韓萬御戎梁弘為右

武公莊伯子韓萬莊

伯弟也御戎僕也右戎車之右

逐翼侯于汾隰

汾水名

驂絰而

止

絰音掛言驂絰於木

夜獲之及藥共叔

共叔藥實之驂翼侯之傳

公會齊侯于嬴

嬴齊邑會于嬴成昏于齊也

夏齊

侯衛侯胥命于蒲

蒲衛地此諸侯私相命之始夏齊侯衛侯胥命于

蒲不盟也

交相命而不歆血也

六月公會杞侯于成

杞公紀作紀

公會杞侯于

郕杞求成也

秋七月壬辰朔日有

食之既

既盡也

公子翬如齊逆女

禮君有故

則使卿逆

秋公子翬如齊逆女修先

君之好故曰公子

昏禮必稱先君以為禮辭

九月齊侯

送姜氏于謹

已去齊故不言女未至齊魯故不稱夫人謹魯地齊侯送姜氏非禮也凡公女

嫁于敵國姊妹則上卿送之以禮於先君公子則下卿送之於大國雖公子亦上卿送之於天子則諸卿皆行公不自送於小國則上大夫送之

公會齊侯于

謹夫人姜氏至自齊○冬齊侯

使其弟年来聘

冬齊仲年来聘致夫人也女出嫁使大夫聘問所以致成婦禮

有年

五穀皆熟

四年春正月公狩于郎

此蒐狩之始四年春正月

公狩于郎書時禮

也狩冬獵周之春夏之冬也

夏天王使宰渠伯

糾来聘

宰官渠氏伯糾名不書秋冬首月史闕文他皆倣此夏周宰渠伯糾来聘父在故名聘攝父職出名

以譏



芮伯萬之母芮姜惡芮伯之多寵人也
故逐之出居于魏芮魏皆國名秋秦師侵芮

敗焉小之也

秦輕芮而貶

冬王

師秦師圍魏執芮伯以歸

五年春正月甲戌巳丑陳侯鮑

卒

五年春正月甲戌巳丑陳侯鮑卒再赴也

趙

匡

日

左氏

云

再

赴

非也

經

文

甲

戌

於是

於

是

陳亂文公子佗殺太子免而代之

免音問佗桓公

弟免桓公

疾病而亂作國人分散故再赴

夏

夏齊侯鄭伯朝于紀
欲以襲之紀人知之

○仍穀作壬
○仍氏叔

也
也弱幼

齊鄭將襲

秋蔡人衛人陳人從王伐鄭

王奪鄭伯政鄭伯不朝秋王以諸侯伐鄭鄭伯
禦之王為中軍虢公林父將右軍蔡人衛人屬

焉

號公林文王卿士

周公黑肩將左軍陳人屬焉鄭子

元請為左拒以當蔡人衛人拒方為右拒以當

陳人曰陳亂民莫有鬪心若先犯之必奔王卒

顧之必亂蔡衛不枝不能持固將先奔既而萃於

王卒可以集事從之曼伯為右拒祭仲足為左

拒原繁高渠彌以中軍奉公為魚麗之陳先偏

後伍伍承彌縫二十五乘為偏五人為伍以車居前以伍次之承偏之隙而彌

戰于繻葛繻葛鄭地命二拒曰櫓動而鼓櫓旗也執

以為號令蔡衛陳皆奔王卒亂鄭師合以攻之王卒

大敗祝聃射王中肩王亦能軍駭而不奔祝聃

請從之公曰君子不欲多上人况敢陵天子乎

苟自救也社稷無隕多矣夜鄭伯使祭足勞王

且問左右王師敗不大雩此書雩之始秋大雩書不時

書不可書也為尊者諱也大雩也凡祀啓蟄而郊啓蟄夏正

建寅之月龍見而雩建巳之月蒼龍宿昏始殺

而嘗建酉之月陰氣閉蟄而烝建亥之月昆蟲

過則書過次螽螽後同冬州公如曹冬

節則書以譏慢螽蝗也冬州公如曹淳

于公如曹度其國危遂不

復淳于州國所都國有

六年春正月寔來

寔實也。不言州公者，承上省文，或曰公名州。六年春，自曹

來朝，書曰寔來。

楚武王侵隨，使薳章求成。

不復其國也。

焉。

隨國名，薳章，楚大夫。

軍於瑕以待

之，隨人使少師董成。

瑕，隨地，少師，隨大夫，董成如涇，盟也。

鬬伯比

言於楚子曰：「吾不得志於漢東也，我則使然。」

鬬伯

比，楚大夫，漢水名。

我張吾三軍，而彼吾甲兵，以武臨之。

彼則懼而協以謀我，故難間也。漢東之國，隨為

大，隨張必棄小國。

張，侈也。

小國離楚之利也。少師

侈，請羸師以張之。

羸，弱也。

熊率且比曰：「季梁在何

益率音律且音苴熊率且鬬伯比曰以為後圖

少師得其君言隨侯卒當王毀軍而納少師毀其

軍容少師歸請追楚師隨侯將許之季梁止之曰

天方授楚楚之羸其誘我也君何急焉臣聞小

之能敵大也小道大淫所謂道忠於民而信於

神也上思利民忠也祝史正辭信也正辭不虛稱君義

今民饒而君逞欲祝史矯舉以祭臣不知其可

也詐稱功德公曰吾牲牷肥腍粢盛豐備何則

不信牲牛羊豕豢純色完全也對曰夫民神

之主也是以聖王先成民而後致力於神故奉

牲以告曰博碩肥腍謂民力之普存也謂其畜

之碩大蕃滋也謂其不疾癘蠱也

癘音族蠱音
裸癘蠱疥癰

類之謂其備腍咸有也奉盛以告曰絜粢豐盛謂

其三時不害而民和年豐也

三時春秋

奉酒醴以

告曰嘉栗旨酒

言嘉善敬謹
以將美酒

謂其上下皆有嘉

德而無違心也所謂馨香無諛慝也

馨香之遠
聞言明德

惟馨故務其三時修其五教

父子君臣夫婦
長幼朋友之教親其

九族以致其禋祀

自高祖至
玄孫之親

於是乎民和而神

降之福故動則有成今民各有心而鬼神之主

君雖獨豐其何福之有君姑修政而親兄弟之

國庶免於難隨侯懼而脩

政楚不敢伐為八年楚伐隨張本

夏四月公會

紀侯于成

同○成穀作邲後來諮謀齊難也齊欲滅紀故來謀之夏會于成紀



北戎伐齊齊侯使乞師于鄭鄭太子忽帥師救

齊六月大敗戎師獲其二帥大良小良甲首三

百以獻於齊甲首彼甲者首於是諸侯之大夫成齊齊

人饋之餼牲腥日餼使魯為其班後鄭班次也鄭忽以

其有功也怒故有郎之師郎師在十年公之未昏於

齊也齊侯欲以文姜妻鄭太子忽太子忽辭人

問其故大子曰人各有耦齊大非吾耦也詩云
自求多福在我而已大國何為君子曰善自為
謀及其敗我師也齊侯又請妻之欲以他女妻之固辭
人問其故大子曰無事於齊吾猶不敢今以君
命奔齊之急而受室以歸是以師昏

也民其謂我何遂辭諸鄭伯告鄭伯以辭之

秋八

月壬午大閱

書大閱之始秋大閱簡車馬也畏鄭懼齊非時簡閱

蔡人

殺陳佗

稱名以賊也討

九月丁卯子同生

桓公子莊公也適夫人之長子故書九月丁卯子同生以大子生

之禮舉之接以大牢大牢牛羊豕以禮卜士負

之士妻食之禮世子生三日卜士妻為乳母公與文姜宗

婦命之生三月君夫人立於阼階西鄉世婦抱子升自西階君命之蓋同宗之婦公

問名於申繻對曰名有五有信有義有象有假

有類申繻魯大夫以名生為信若唐叔虞魯公子以

德命為義若文王名昌以類命為象若孔子首

取於物為假若伯魚生取於父為類若子同生

不以國國本也不以官不以山川不以隱疾隱痛

辟不祥也不以畜牲不以器幣幣王帛周人以諱事神

名終將諱之

人死曰終

故以國則廢名

國不可易故廢名

以

官則廢職以山川則廢主

國主山川

以畜牲則廢祀

以器幣則廢禮晉以僖侯廢司徒

僖侯名司徒廢為中軍

宋以武公廢司空

武公名司空廢為司空

先君獻武廢二

山

二山具敖也獻公名具武公名敖更以其鄉名山

是以大物不可以

命公曰是其生也與吾同物命之曰同

物類也謂同曰

冬紀侯來朝

冬紀侯來朝請王命以求成于齊公告不能

紀微弱不能自

通於天子欲因

公以請

王命

七年春二月己亥焚咸丘

焚火田咸丘魯地譏盡物故書

夏穀伯綏來朝鄧侯吾離來朝

七年春穀伯鄧侯來朝名

夏盟向求成于

賤之也

小國故書名春秋夏朝故經書夏

鄭既而背之隱十

一年王以秋鄭人齊人衛人伐

冬曲沃伯

盟向王遷盟向之民于邾

邾王城

誘晉小子

侯殺之

曲沃伯武

公也小子侯哀侯子

八年春正月己卯烝

夏之仲月非過而書為五月復烝見讀也

八年春滅

翼曲沃滅之

天王使家父來聘

家氏父字天子大夫

夏五月丁丑烝

秋伐邾

隨少

師有寵楚鬬伯比曰可矣讎有釁不可失也

釁

隙也

夏楚子合諸侯于沈鹿

沈鹿楚地

黃隨不會

黃國名

使蘧章讓黃楚子伐隨軍於漢淮之間季梁請

下之弗許而後戰

下之請服也

所以怒我而怠寇也

少師謂隨侯曰必速戰不然將失楚師隨侯禦

之望楚師季梁曰楚人上左君必左君楚也無與

王遇且攻其右右無良焉必敗偏敗衆乃攜矣

少師曰不當王非敵也弗從戰于速杞速杞隨地隨

師敗績隨侯逸鬬丹獲其戎車與其戎右少師

鬬丹楚大夫戎車秋隨及楚平楚子將不許鬬伯

比曰天去其疾矣謂少師見獲而

死隨未可克也乃盟而還冬十月雨雪

夏正八月冬王命虢仲立晉哀侯

書時之弟緡于晉虢仲虢公林父祭公來

遂逆王后于紀

祭公諸侯為天子三公者王使魯主昏故來受命祭公來遂逆王后于

紀禮

也

九年春紀季姜歸于京師

桓王后季字姜紀姓逆稱后王

命也歸稱字未廟見也

九年春紀季姜歸于

京師凡諸侯之女行唯王后書

夏四月

巴子使韓服告于楚請與鄧為好

巴國名韓服巴

楚子使道朔將巴客以聘於鄧

道朔楚大夫巴



客韓服

鄧南鄙鄧人攻而奪之幣

鄧音憂地名

殺道朔

及巴行人楚子使遠章讓於鄧鄧人弗受夏楚

使鬬廉帥師及巴師圍鄧

鬬廉楚大夫

鄧養甥聃甥

帥師救鄧三逐巴師不克

二甥皆鄧大夫

鬬廉衡陳其

師於巴師之中以戰而北

北音佩衡橫也

鄧人逐

之背巴師而夾攻之鄧師大敗鄧人宵潰

秋

七月



秋號仲芮伯梁伯荀侯

賈伯伐曲沃

梁荀賈皆國名

冬曹

伯使其世子射姑來朝

射音亦曹伯有疾使世子來朝冬曹

大子來朝賓之以上卿禮也

諸侯適子未誓於天子攝其君則以

皮帛繼子男故賓之以其國之上卿

享曹大子初獻樂奏而歎施

父曰曹大子其有憂

乎非歎所也

施父魯大夫

十年春王正月

此年書王者十年無王則人

庚申曹

伯終生卒

十年春曹桓公卒

夏

號仲譖其大夫詹父於王

屬大

詹父有辭以王師伐

號夏號公出奔虞

虞國名

五月葬曹桓

公○秋

秦人納芮伯萬于芮

公會衛侯于桃

丘弗遇

衛侯期會中背公獨往不遇挑丘衛地

○初虞叔有玉虞叔弟虞公求旃旃之

弗獻既而悔之曰周諺有之匹夫無罪懷璧其

罪吾焉用此其以賈害也乃獻之又求其實劍

叔曰是無厭也無厭將及我遂

伐虞公故虞公出奔共池

共池地名

冬十有二

月丙午齊侯衛侯鄭伯來戰于

郎

冬齊衛鄭來戰于郎我有辭也初北戎病齊諸侯救之鄭公子忽有功焉齊人餽諸

侯使魯次之魯以周班後鄭

以周五等爵班鄭在後

鄭人

怒請師於齊齊人以衛師助之故不稱侵伐

戰書

明魯直

先書齊衛王爵

也

鄭主兵而先書齊衛猶以周班定之

十有一年春正月齊人衛人鄭

人盟于惡曹

戰郎而盟前書爵以著罪後書人以示貶惡曹地名
十一年春齊衛鄭宋盟于

惡曹

宋不

書經

楚屈瑕將盟貳軫

貳軫二國名屈瑕楚大夫

鄭

人軍於蒲騷將與隨絞州蓼伐楚

師

鄭絞州蓼皆國名蒲騷鄭邑

莫敖患之

莫敖楚官名即屈瑕

鬬廉曰

鄭人軍其郊必不誠且日虞四邑之至也

四邑隨絞

州蓼

君次於郊郢以禦四邑

郊郢楚地

我以銳師宵加

於鄭鄭有虞心而恃其城

恃近其城

莫有鬬志若敗

鄭師四邑必離莫敖曰盍請濟師於王

濟也

對

曰師克在和不在衆商周之不敵君之所聞也

成軍以出又何濟焉莫敖曰卜之對曰卜以決

疑不疑何卜遂敗鄭師於蒲騷卒盟而還

卒盟貳軫

夏五月癸未鄭伯寤生卒秋七

月葬鄭莊公九月宋人執鄭祭

仲突歸于鄭鄭忽出奔衛

突不稱公子絕書之也忽

國也此書執之始鄭昭公之敗北我也齊人將妻

始亦書奔之始之昭公辭祭仲曰必取之君多內寵子無大援

將不立三公子皆君也弗從子突子亶子夏鄭儀母皆有寵

莊公卒初祭封人仲是有寵於莊公祭鄭地莊公

使為卿為公娶鄧曼生昭公故祭仲立之曼鄧姓

宋雍氏女於鄭莊公曰雍姑生厲公雍氏宋大夫姑姓

雍氏宗有寵於宋莊公故誘祭仲而執之曰不

立突將死亦執厲公而求賂焉祭仲與宋人盟

以厲公歸而立之秋九月丁

亥昭公奔衛已亥厲公立

柔會宋公

陳侯蔡叔盟于折

柔魯大夫未賜族者蔡叔祭大夫叔名也折地名此大夫會盟諸侯之始

公會宋公于夫鍾

鍾公作鍾童○夫地

冬十

春秋

卷二

桓公

十八

有二月公會宋公子闕

地魯闕

十有二年春正月○夏六月壬

寅公會杞侯莒子盟于曲池

作穀公杞

紀曲池公作殿十二年夏盟

于曲池平杞莒也人隱四年莒伐杞

秋七月丁

亥公會宋公燕人盟于穀丘

燕南人燕

大夫穀丘宋地公欲平宋鄭秋公及宋公盟于

句瀆之丘瀆音豆句瀆之丘即穀丘宋立厲公故多責賂鄭人不平

八月

壬辰陳侯躍卒

厲公也不書葬魯不書卒不書侯書卒不書葬皆倣此

公會

宋公子虛

虛公作鄭地宋成未可知也故又會于虛

冬十

有一月公會宋公子龜

龜宋地冬又會于龜

丙戌公會鄭伯盟于武父

武父音甫地宋公

辭平故與鄭伯盟

于武父

宋公貪賂卒辭鄭平

丙戌衛侯晉卒

重書丙戌

盟平同日

十有二月及鄭師伐宋丁未

戰于宋

不言公諱之也

遂帥師而伐宋戰焉宋無信也君子曰苟信不繼盟無益也

詩云君子屢盟亂

是用長無信也

十有三年春

楚伐絞軍其南門莫敖屈瑕曰絞小而輕輕則寡謀

請無扞采樵者以誘之扞衛也從之絞人獲三十

人獲楚人也明日絞人爭出驅楚役徒於山中楚人

坐其北門而覆諸山下坐猶守也大敗之為城

下之盟而還伐絞之役楚師分涉於彭羅人欲

伐之使伯嘉謀之三巡數之彭水名羅國名熊姓伯嘉羅大夫三

數其師之多十三年春楚屈瑕伐羅鬬伯比送之還

謂其御曰莫敖必敗舉趾高心不固矣志氣揚則舉足

高遂見楚子曰必濟師難言將敗師楚子辭焉入

告夫人鄧曼鄧曼曰大夫其非衆之謂鄧曼楚武王夫

人言伯比意不在益衆也其謂君撫小民以信訓諸司以德

而威莫敖以刑也莫敖狃於蒲騷之役將自用

也

狃狃狃

必小羅君若不鎮撫其不設備乎

言屈職必

以不設備取敗

夫固謂君訓衆而好鎮撫之名諸司而

勸之以令德見莫敖而告諸天之不假易也

言天

不借貸慢易之入

不然夫豈不知楚師之盡行也楚子

使賴人追之不及

賴國人仕楚者

莫敖使徇于師曰諫

者有刑及鄢亂次以濟

鄢水名

遂無次且不設備

及羅羅與盧戎兩軍之

盧戎南蠻兩軍之夾攻也

大敗之莫

敖縊于荒谷羣帥囚于冶父

荒谷治父皆楚

地

以聽刑楚子曰孤之罪也皆免之

二月

公會紀侯鄭伯已巳及齊侯宋

公衛侯燕人戰齊師宋師衛師

燕師敗績

衛宣公未葬惠公稱侯以接隣國非禮也宋多責賂

與宋衛燕戰不書所

戰後也

公後期故不書戰地

三月葬衛宣公

夏大水

秋七月

冬十月

十有四年春正月公會鄭伯于

曹

鄭人來請脩好十四年春會于曹曹人致餼禮也

無冰○夏

五

不月闕文

鄭伯使其弟語來盟

語穀作樂夏鄭子人

來尋盟且脩曹之

會

子人即弟語也其後為子人氏

秋八月壬申御廩

災乙亥嘗

御廩藏穀盛之倉天火曰災

秋八月壬申御廩災乙亥嘗書不害也災不及穀故曰

不害

冬十有二月丁巳齊侯祿父

卒○宋人以齊人蔡人衛人陳

人伐鄭

蔡人公在衛人下○以冬宋人以諸侯伐鄭報宋之戰也焚渠門入

及大逵

渠門鄭城門

伐東郊取牛首

牛首鄭邑

以大宮之椽歸為盧門之椽

盧門宋東城門

十有五年春二月天王使冢父

來求車

十五年春天王使家父來求車非禮也諸侯不貢車服天子不私求

財

三月乙未天王崩

也王桓

夏四月

己巳葬齊僖公○五月鄭伯突

出奔蔡鄭世子忽復歸于鄭

突書名譏

奪正也忽稱世子本當立祭仲專鄭伯患之使

者不能保其位故不稱爵其婿雍糾殺之將享諸郊雍姬知之雍姬雍糾妻祭仲女

謂其母曰父與夫孰親其母曰人盡夫也父一而已胡可比也遂告祭仲曰雍氏舍其室而將享子於郊吾惑之以告祭仲殺雍糾尸諸周氏之汪汪氏鄭大夫也公載以出載其尸曰謀及婦人宜其死也夏厲公出奔許叔入于許公

蔡六月乙亥昭公入

會齊侯于艾

艾公作鄆許叔入于許隱
一作鄭使居許東公會齊

侯于艾謀

定許也

邾人牟人葛人來朝

名國葛年

天王崩而朝於朝

秋九月鄭伯突入于櫟

櫟鄭別部

秋鄭伯因櫟人殺檀伯
檀伯即曼伯守櫟大夫

冬十有一月公

會宋公衛侯陳侯于袤伐鄭

宋公上公

有齊侯袤公作侈
○袤音侈宋地冬會于袤謀

伐鄭將納厲公也弗克而還

十有六年春正月公會宋公蔡

侯衛侯于曹

十六年春正月會于曹謀伐鄭也

夏四

月公會宋公衛侯陳侯蔡侯伐

鄭秋七月公至自伐鄭

此致伐夏之始

月公至自伐鄭

以飲至之禮也

冬城向

冬城向書時也經有十一月即夏正九月不時也劉炫

誤傳為以

十有一月衛侯朔出奔齊

惠公殺

奪國王命初衛宣公烝於夷姜生急子夷姜宣公庶母

絕之故名屬諸右公子為之娶於齊而姜公取之生

壽及朔屬壽於左公子左右媵之子夷姜縊失寵

而死宣姜與公子朔構急子宣姜宣公所娶急子之妻公使諸

齊使盜待諸莘將殺之莘衛地壽子告之使行出行

也不可曰棄父之命惡用子矣有無父之國則

可也及行飲以酒壽子載其旌以先盜殺之急

子至曰我之求也此何罪請殺我乎又殺之二

公子故怨惠公十一月左公子洩右公

子職立公子黔牟黔牟羣公子惠公奔齊

十有七年春正月丙辰公會齊

侯紀侯盟于黃

黃齊地 十七年春盟于黃 平齊紀且謀衛故也 齊欲

滅紀 衛逐 其君

二月丙午公會邾儀父盟

于趙

會公穀作及 趙音雖魯地 父盟于趙尋蔑之盟也 及邾儀

夏五月丙

午及齊師戰于奚

公無夏字 奚穀作 郎○奚魯地不言 其人敗也 夏及齊師

戰于奚疆事也於是齊人侵魯疆疆吏來告公

曰疆場之事場音慎守其一而備其不虞姑盡

所備焉事至而

戰又何謂焉

六月丁丑蔡侯封人

卒秋八月蔡季自陳歸于蔡

季蔡弟侯

何休以季獻舞為二人誤蔡桓侯卒蔡人召蔡季于

陳秋蔡季自陳歸于蔡蔡人嘉之也去就合宜故嘉之以

告字

癸巳葬蔡桓侯

稱侯請謚也於王

及宋人

衛人伐邾

背盟伐邾故不書師不書人

冬十月

朔日有食之

冬十月朔日有食之不書

日食不書朔不書日皆同

此

天子有日官諸侯有日御

日官日御典歷數者

日官居

卿以底日禮也

日官非卿而位從卿底平也謂平歷數

日御不失

日以授百

初鄭伯將以高渠彌為卿昭公

官于朝

惡之固諫不聽昭公立懼其殺

已也辛卯弑昭公而立公子亶

昭公子亶君子謂

昭公知所惡矣公子達曰

公子達魯大夫

高伯其為戮

乎復惡已甚矣復重

也為公所惡而復
弑君重為惡也

十有八年春王正月此年書王以王法終治桓之事公會

齊侯于濼公與夫人姜氏遂如

齊夏四月丙子公薨于齊夫人上公無與字○濼音鹿水

名薨不言
我諱之也十八年春公將有行遂與姜氏如齊

申繻曰女有家男有室無相瀆也謂之有禮易

此必敗公會齊侯于濼遂及文姜如齊齊侯通

焉公謫之以告謫譴也夫夏四月丙子享公使

公子彭生乘公公薨于車上車曰乘彭生多魯

人告于齊曰寡君畏君之威不敢寧居來脩舊

好禮成而不及無所歸咎惡於諸侯

請以彭生除之除恥辱也齊人殺彭生

丁酉

公之喪至自齊○秋七月秋齊侯

師于首

止討鄭弑君也子亶會之高渠彌相七月戊戌

齊人殺子亶而轅高渠彌車裂祭仲逆鄭子于

陳而立之

鄭子昭公弟子儀也

是行也祭仲知之故

稱疾不往人曰祭仲以知免仲曰信也

冬

十有二月己丑葬我君桓公

賊未討而

書葬

○ 周公欲弑莊王而立王子克

莊王太子桓

外也

王子克莊王弟子儀

辛伯告王遂與王殺周公

黑肩王子克奔燕

辛伯周大夫

初子儀有寵於桓王

桓王屬諸周公辛伯諫曰並后

妾如

匹嫡

庶如嫡

兩政

臣擅命

耦國

都如

亂之

本也周公弗從故及

及於難也

春秋卷第二

春秋

卷二

桓公

二十八

卷一

卷二

春秋卷第三

左氏傳

莊公

元年春王正月

元年春不稱即位文姜出故也

曰左氏云文姜出故非通論也

三月夫人孫于齊

夫人孫于齊母也魯人奔內諱奔

謂之三月夫人孫于齊不稱姜氏絕不

為親禮也姜氏齊姓文姜宜與齊絕而

夏單

伯送王姬

送公穀作逆○單采地伯爵天子卿也王嫁女于齊命魯為主

秋築王姬

之館于外

秋築王姬之館于外為外禮也公在諒闇齊侯親迎不忍禮接築舍於外趙庄曰左氏云為外

禮也與隣主昏縱在城外豈為禮乎

冬十月乙亥陳侯林卒

○王使榮叔來錫桓公命

榮氏叔字周大

夫王者法天桓

纂君取國而王不
能討反追命之故
王無天以譏之
此書錫命之始

王姬歸于齊○齊

師遷紀邾鄆郛

邾音萍鄆音茲郛音
吾齊欲滅紀故徙其
三邑之民而取其
地此書遷之始

二年春王二月葬陳莊公○夏

公子慶父帥師伐於餘丘

慶父莊
公庶兄
於餘丘
國名

秋七月齊王姬卒

魯為之
主猶內
女故卒
之

冬十

有二月夫人姜氏會齊侯于禚

禚公作部
禚音灼齊地

二年冬夫人姜氏會

齊侯于禚書茲也

文姜比年出
會其意皆同

乙酉宋

公馮卒

三年春王正月溺會齊師伐衛

溺魯

大夫三年春溺會齊師伐

衛疾之也

會仇讎而伐
同姓故貶之

夏四月葬宋

莊公○五月葬桓王

夏五月葬桓王緩也
七年乃葬

秋紀季以鄫入于齊

鄫音攜紀邑季紀侯弟齊欲滅紀故季以邑入齊為附庸以存

先紀故書字貴之

秋紀季以鄫入

于齊紀於是乎始判

判分也

冬公次于滑

滑公穀作郎○鄭地此書次之

冬公次于滑將會鄭伯謀紀

故也

鄭伯子儀

鄭伯辭以難

厲公在

凡師一宿為舍

再宿為信

過信為次

四年春王二月夫人姜氏享齊

侯于祝丘

享公穀 作饗 祝丘 魯地

三月紀伯姬卒

隱二年裂編 所逆者內女

四年春王三月楚武王荆尸

唯諸侯夫人 卒葬皆書

授師子焉以伐隨

荆楚本號 尸陳也更

為楚陳法名曰荆 尸子音結戟也

將齊入告夫人鄧曼曰余心

蕩

將授兵於 廟故齊

鄧曼歎曰王祿盡矣盈而蕩天之

道也先君其知之矣故臨武事將發大命而蕩

王心焉若師徒無虧王薨於行國之福也王遂

行率於楠木之下楠音門令尹闕祁莫敖屈重

除道梁澁澁音作水名梁橋也營軍臨隨隨人懼行成莫

敖以王命入盟隨侯且請為會夏齊侯陳

於漢汭而還濟漢而後發喪

侯鄭伯遇于垂○紀侯大去其

國大去不紀侯不能下齊以與紀季六反之辭

月乙丑齊侯葬紀伯姬也屬夏紀侯大去其國違齊難也

紀季為齊附庸齊侯以禮初附

之葬

秋七月○冬公及齊人狩于

禚

○禚公穀作部
○齊人齊侯
狩也諱與禚
狩故稱人

五年春王正月○夏夫人姜氏

如齊師○秋邠犁來來朝

○邠公作
倪犁公
穀作黎
附

庸國
來名
初年

五年秋邠犁來來

朝名未王命也

王後命以
為小邠子

冬公會齊人

宋人陳人蔡人伐衛

冬伐衛納惠公也

六年春王正月王人子突救衛

正月公穀作三月○王人王之微官奉王命拒朔故書字以褒之此書救之始

六年春王人救衛

夏六月衛

侯朔入于衛

夏衛侯入放公子黔牟于周放甯跪于秦殺左公子

洧右公子職

甯跪衛大夫

乃即位君子以二公子之

立黔牟為不度矣夫能固位者必度於本末而

後立衷焉不知其本不謀知本之不枝

弗強本弱者技拔非詩云本枝百世

秋公

至自伐衛

○螟

○冬齊人來歸

衛俘

俘公穀作實

冬齊人來歸衛實文

○楚文

申過鄧鄧祈侯曰吾甥也

祈謚也文王鄧曼子

止而享之

騶甥聃甥養甥請殺楚子

皆鄧甥也

鄧侯弗許三甥

曰亡鄧國者必此人也若不早圖後君噬齊

若齒

腹齊喻

其及圖之乎圖之此為時矣鄧侯曰人

將不食吾餘

餘餘食也言自害其甥必為人所賤

對曰若不從三

臣抑社稷實不血食而君焉取餘弗從還年

伐申

還之年

楚子伐鄧十六

年楚復伐鄧滅之

七年春夫人姜氏會齊侯于防

防魯地

七年春文姜會

齊侯于防齊志也

夏四月辛卯夜

恒星不見夜中星隕如雨

上夜穀作音隕公作賈恒星

常見之星辛卯四月五日如雨也

夏恒星不見

夜明也星隕如雨與雨偕也

秋大水無

麥苗

秋無麥苗不害嘉穀也
今五月周之秋黍稷
尚可更種故曰不害

冬夫人姜

氏會齊侯于穀

穀地齊

八年春王正月師次于郎以俟

陳人蔡人甲午治兵夏師及齊

師圍郕郕降于齊師秋師還

治公作祠

郕公八年春治兵于廟禮也夏師及齊師圍郕

郕降于齊師仲慶父請伐齊師公曰不可我實

不德齊師何罪罪我之由夏書曰臯陶邁種德

德乃降今虞書大禹謨姑務脩德以待時乎秋師還君

子是以善

魯莊公

冬十有一月癸未齊無

知弑其君諸兒

齊侯使連稱管至父戌葵丘二子皆齊大夫葵丘齊地瓜時

而往曰及瓜而代

約以明年瓜熟

期成公問不至

期周年問

也命

請代弗許故謀作亂僖公之母弟曰夷仲年

生公孫無知有寵於僖公衣服禮秩如適

適大子

襄公絀之二人因之以作亂連稱有從妹在公

宮無寵使間公

伺公間隙

曰捷吾以女為夫人

宣無知之

言

冬十二月齊侯游于姑棼遂田于貝丘

姑棼貝丘

地齊

見大豕從者曰公子彭生也公怒曰彭生

敢見射之豕人立而啼公懼隊于車傷足喪屨

反誅屨於徒人費

誅責也費徒人名

弗得鞭之見血走

出遇賊于門劫而束之費曰我奚御哉

御同禦

袒

而示之背信之費請先入助詐欲伏公而出鬪死

于門中石之紛如死于階下石之紛如齊小臣遂入殺

孟陽于牀孟陽亦小臣曰非君也不類見公之

足于戶下遂弑之而立無知癸未十一月六日傳月誤初襄

公立無常政令無常鮑叔牙曰君使民慢亂將作矣

奉公子小白出奔莒小白僖公庶子亂作管夷

吾召忽奉公子糾來

奔子糾小白兄管夷吾召忽皆其傳也

九年春齊人殺無知初公孫無知虐于雍廩齊

九年春雍

廩殺無知

公及齊大夫盟于蕲

蕲公穀作

既○蕲魯地

公及齊大夫

盟于蕲齊無君也

夏公伐齊納子

糾齊小白入于齊

公穀無子字夏公伐齊
納子糾桓公自莒

先入秋七月丁酉葬齊襄公

九月乃葬故亂

八月庚申及齊師戰于乾時我

師敗績九月齊人取子糾殺之

乾音干乾時齊地書及而秋師及齊師戰于乾

時我師敗績公喪戎路傳乘而歸傳乘他車也秦子

梁子以公旗辟于下道二子公御及戎是以皆

止止獲也鮑叔帥師來言曰子糾親也請君討之

管召讎也請受而甘心焉乃殺子糾于生竇生竇

魯地召忽死之管仲請囚鮑叔受之及堂阜而稅

之堂阜歸而以告曰管夷吾治於高侯高侯

齊卿高敬仲言管仲使相可也公從之

冬

浚洙

洙水在魯城北浚深之為齊備

十年春王正月公敗齊師于長

勺

長勺魯地

十年春齊師伐我公將戰曹劌請見

劌音貴曹劌魯人

其鄉人曰肉食者謀之又何間

焉

肉食者在位者間與也

劌曰肉食者鄙未能遠謀乃入見

問何以戰公曰衣食所安弗敢專也必以分人

對曰小惠未徧民弗從也公曰犧牲玉帛弗敢

加也必以信

祝辭不敢加美

對曰小信未孚神弗福也

公曰小大之獄雖不能察必以情對曰忠之屬
也可以一戰戰則請從公與之乘戰于長勺公
將鼓之劄曰未可齊人三鼓劄曰可矣齊師敗
績公將馳之劄曰未可下視其轍登軾而望之
曰可矣遂逐齊師既克公問其故對曰夫戰勇
氣也一鼓作氣再而衰三而竭彼竭我盈故克
之夫大國難測也懼有伏焉吾
視其轍亂望其旗靡故逐之

二月公侵

宋

此書
侵之
始

○三月宋人遷宿

強遷之
而取其
地此遷
國之始

夏六月齊師宋師次于郎公敗

宋師于乘丘

乘丘魯地夏六月齊師宋師次于郎公子偃曰宋師不整

可敗也

魯公子偃大夫

宋敗齊必還請擊之

請伐宋師

公弗

許自雩門竊出蒙臯比而先犯之

雩門魯南城門臯比虎皮

蒙謂蒙馬

公從之大敗宋

師于乘丘齊師乃還

秋九月荊敗蔡

師于莘以蔡侯獻舞歸

舞穀作武○莘蔡地荊始狷夏亦專執諸

始侯之

蔡哀侯娶于陳息侯亦娶焉息嬀將歸過

蔡

歸歸寧也

蔡侯曰吾嬀也

妻之姊妹曰嬀

止而見之弗賓

不禮敬也

息侯聞之怒使謂楚文王曰伐我吾求救

於蔡而伐之楚子從之秋九月楚敗蔡師于莘

以蔡侯

獻舞歸

冬十月齊師滅譚譚子奔

莒

譚國名此滅國之始齊侯之出也過譚譚不禮焉及

譚無禮也譚子

奔莒同盟故也

十有一年春王正月○夏五月

戊寅公敗宋師于鄆

鄆魯地 十一年夏宋為乘丘之役

故侵我公禦之宋師未陳而薄之敗諸鄆凡師

敵未陳曰敗某師皆陳曰戰大崩曰敗績得雋

曰克

獲其雋

覆而敗之曰取某師

覆若

羅網掩覆

京師敗曰王師敗績于某

秋宋大

水

來告故書凡記外災異皆倣此秋宋大水公使吊焉曰天作淫雨害於粢盛若之何不吊

不為天對所愍吊

曰孤實不敬天降之灾又以為君憂拜命之辱

臧文仲曰宋其興乎臧文仲魯大夫禹湯罪已其興也

悖焉悖音勃盛貌桀紂罪人其亡也忽焉忽速貌且列

國有凶稱孤禮也無凶則稱寡人言懼而名禮其庶乎

既而聞之曰公子御說之辭也御說宋莊

子臧孫達曰是宜為君有恤民之心

冬王

姬歸于齊

魯三昏故書冬齊侯來逆共姬即王姬

十有二年春王三月紀叔姬歸

于鄫

紀侯去國而死
叔姬還魯至是
歸鄫婦紀書歸
義其全婦道也

夏四月

秋八

月甲午宋萬弑其君捷及其大

夫仇牧冬十月宋萬出奔陳

捷公作接

乘丘之役公以金僕姑射南宮長萬

金僕姑矢名南宮長

萬宋公右歃孫生搏之

歃音造搏取也

宋人請之

宋請還萬

而魯宋公靳之

戲而相愧曰靳

曰始吾敬子今子魯囚

也吾弗敬子矣病之

萬以病為

十二年秋宋萬弑閔

公子蒙澤

萬即長萬
蒙澤宋地

遇仇牧于門批而殺之

多萬

力手批而殺之

遇大宰督于東宮之西又殺之立子游

宋公

羣公子奔蕭公子御說奔亳

蕭亳宋邑

南宮牛

猛獲帥師圍亳

牛長萬子
猛獲其黨

冬十月蕭叔大心

宋蕭

邑大夫名叔字大心

及戴武宣穆莊之族

宋五公之子孫

以曹師

伐之殺南宮牛于師殺子游于宋立桓公

桓公御說

猛獲奔衛南宮萬奔陳以乘車輦其母一日而

至

宋去陳二
百六十里

宋人請猛獲于衛衛人欲勿與石

祁子曰不可

石祁子
衛大夫

天下之惡一也惡於宋而

保於我保之何補得一夫而失一國與惡而棄

好非謀也衛人歸之亦請南宮萬于陳以賂陳人使婦人飲之酒而以犀革裹之比及宋手足皆見宋人皆

醢之

并醢
猛獲

十有三年春齊侯宋人陳人蔡

人邾人會于北杏

侯穀作人
北杏齊地
年春會于北杏以

平宋亂遂人

不至

遂國名
舜之後

夏六月齊人滅遂

夏齊

人滅遂
而戌之
秋七月○冬公會齊侯盟

于柯
柯即齊之阿邑
柯始及齊平也

十有四年春齊人陳人曹人伐

宋夏單伯會伐宋
宋人背北杏之會
十四年春諸侯伐

宋齊請師于周夏單伯
會之取成于宋而還
○鄭厲公自櫟侵鄭
及大陵獲傅瑕
大陵

鄭地傳

瑕

傳瑕曰苟舍我吾請納君與之盟而

赦之六月甲子傳瑕殺鄭子及其二子而納厲

公

鄭子不稱君無證者不以君禮成喪告諸侯

初內蛇與外蛇鬪於

鄭南門中內蛇死六年而厲公入公聞之問於

申繻曰猶有妖乎對曰人之所忌其氣燄以取

之妖由人興也人無釁焉妖不自作人棄常則

妖興故有妖厲公入遂殺傳瑕使謂原繁曰傳

瑕貳

言有二心於已

周有常刑既伏其罪矣納我而無

二心者吾皆許之上大夫之事吾願與伯父圖

之

上大夫卿也諸侯稱同姓大夫長曰伯父少曰叔父此乃通稱之辭

且寡人出

伯父無裏言

無納我之言

入又不念寡人寡人憾焉

對曰先君桓公命我先人典司宗祏

祏藏主石室言已世

為宗廟守臣

社稷有主而外其心其何貳如之苟主

社稷國內之民其誰不為臣臣無二心天之制

也子儀在位十四年矣而謀召君者庸非貳乎

莊公之子猶有八人

忽突亶儀四人外又有弟語餘皆未詳

若皆

以官爵行賂勸貳而可以濟事君

其若之何臣聞命矣乃縊而死

秋七月

荆入蔡

繩譽也蔡哀侯為莘故繩息媯以語楚子

楚子如息以食入享遂滅息

以息媯歸生堵敖及成王焉未言

楚人謂未成君為敖

楚

子問之對曰吾一婦人而事二夫縱弗能死其

又奚言楚子以蔡侯滅息遂伐蔡秋七月楚入

蔡君子曰商書所謂惡之易也如火之燎于原

不可鄉邇其猶可撲

滅者其如蔡哀侯乎

冬單伯會齊侯

宋公衛侯鄭伯于鄆

鄆音綃衛地此諸侯會王臣之始

冬會于鄆宋

服故

也

十有五年春齊侯宋公陳侯衛

侯鄭伯會于鄆十五年春復會夏夫

人姜氏如齊文姜復如齊而不桓公秋宋人齊

人邾人伐郕鄭人侵宋鄭公作兒秋諸侯為宋伐

郕鄭屬宋而叛故齊為之伐鄭人

間之而侵宋間宋伐鄭

冬十月

十有六年春王正月○夏宋人

齊人衛人伐鄭南北爭十六年夏鄭之始秋

荆伐鄭鄭伯自櫟入緩告于楚秋楚伐鄭及櫟為不禮故也鄭伯治與於雍

糾之亂者在桓十五年九月殺公子闕則強鉏二子祭仲

黨斷是日則公父定叔出奔衛共叔段孫三年而復之曰

不可使共叔無後於鄭使以十月入曰良月

也就盈數焉數滿於十君子謂強鉏不能衛其足

冬十有二月會齊侯宋公陳侯

衛侯鄭伯許男滑伯滕子同盟

于幽

會上公字滑伯上公穀有曹伯○滑國名幽宋地不書公缺文也同盟者同欲此冬同盟于幽鄭成也

王使虢公命曲沃伯以一軍為晉侯

曲沃武公遂并晉國

僖王因命為晉侯小國故一軍

初晉武公伐夷執夷詭諸葛國

請而免之

詭諸葛國皆周大夫夷采地名既而弗報故子國作

亂

子國即

謂晉人曰與我伐夷而取其地遂以

晉師伐夷殺夷詭諸周公忌父出奔號

周公忌父王卿

惠王立而復之

桓十五年經書桓王崩其後有莊王僖王崩葬不見經傳

而惠王立年在此

邾子克卒

稱子者蓋齊桓為諸侯請王命

十有七年春齊人執鄭詹

詹公作瞻後同大夫詹鄭

十七年春齊人執

鄭詹鄭不朝也

夏齊人殲于遂

殲作公殲

○殲也

夏遂因氏領氏工婁氏須遂氏饗齊成

醉而殺之齊人殲焉

領音閤四族遂之疆宗齊戌遂在十三年

秋鄭詹自齊逃來

詹不能解國患而苟以免書逃以賤之

冬多

麋

多害稼

十有八年春

十八年春號公晉侯朝王王饗醴命之宥

饗禮先置醴示不忘

古宴則命以幣物宥助也

皆賜玉五穀馬三匹非禮也

雙王為穀

王命諸侯名位不同禮亦異數不以禮假人

侯而

與公同賜是借人禮

號公晉侯鄭伯使原莊公逆王

后于陳陳嬀歸于京師實惠后

為王子帶起本

王

三月日有食之○夏公追我于

濟西

夏公追我于濟西不言其來諱之也

秋有

蝥

蝥短狐也舍沙射人有蝥為災也

冬十月○

初楚武王克權使鬬

緡尹之

權國名鬬緡楚大夫

以叛圍而殺之遷權於那處

那處楚地

使閻敖尹之

閻敖楚大夫

及文王即位與巴人

伐申而驚其師

驚巴師

巴人叛楚而伐那處取之

遂門于楚

攻楚城門

閻敖游涌而逸

涌水名

楚子殺之

其族為亂冬已

人因之以伐楚

十有九年春王正月○夏四月

十九年春楚子禦之

禦巴人

大敗於津還禦

拳弗納遂伐黃

津楚地黃

敗黃師于踏陵

還及湫有疾

踏音迹踏陵黃地音剿地名

夏六月庚申卒禦

拳葬諸夕室亦自殺也而葬於經皇

夕室地名經皇冢前

闕生守門故死不失職

初鬻拳強諫楚子楚子弗從臨之

以兵懼而從之鬻拳曰吾懼君以兵罪莫大焉

遂自別也楚人以為大閹謂之大伯使其後掌

之使其子孫常主此官君子曰鬻拳可謂愛君矣諫以自

納於刑刑猶不秋公子結媵陳人之

忘納君於善

婦于鄆遂及齊侯宋公盟

公子結魯大夫媵陳至

鄆而聞齊宋會權與之盟

夫人姜氏如莒

非父母往書姦

冬齊

人宋人陳人伐我西鄙

齊桓始霸責魯不恭其事故來伐此見伐

始之



初王姚嬖于莊王生子殯王姚莊王子

殯有寵焉國為之師及惠王即位周惠

孫王取焉國之圃以為圃邊伯之宮近於王宮王

取之邊伯周王奪子禽祝跪與詹父田三子周

而收膳夫之秩膳夫石速也秩祿也故焉國邊伯石速詹

父子禽祝跪作亂因蘇氏蘇氏周大夫蘇忿生

鄭自此秋五大夫奉子殯以伐王石速士也不

克出奔溫溫蘇氏邑蘇子奉子殯以奔衛衛師燕師

伐周燕南燕也衛惠

故子殯冬立子殯

奔衛莊公

二十年春王二月夫人姜氏如

莒夏齊大災秋七月冬

齊人伐戎
戎穀作戎
○
二十年春鄭伯和王室
不克執燕仲父
燕仲父南燕伯

為伐周故夏鄭伯遂以王歸王處于櫟秋王及鄭伯

入于鄆
鄆鄭王所取鄭邑遂入成周取其寶器而還冬王

子贛享五大夫樂及徧舞
徧舞黃帝堯舜夏商周六代之樂鄭

伯聞之見虢叔
叔虢公字曰寡人聞之哀樂失時殃

咎必至今王子穰歌舞不倦樂禍也夫司寇行
戮君為之不舉去盛而况敢樂禍乎奸王之位
禍孰大焉臨禍忘憂憂必及之
盡納王乎號公曰寡人之願也

二十有一年春王正月○夏五

月辛酉鄭伯突卒

二十一年春胥命于弭鄭號相命以弭納王之事弭

鄭地夏同伐王城鄭伯將王自圉門入號叔自北

門入殺王子穰及五大夫鄭伯享王于闕西辟

樂備

闕象魏辟偏也

王與之武公之略自虎牢以東

略界

也平王賜鄭武公虎牢以東後失其地故今復與之

原伯曰鄭伯效尤其

亦將有咎

原伯原莊公言效子積舞徧樂

五月鄭厲公卒王巡

號守

巡守號國

號公為王宮于玕

玕號地

王與之酒泉

酒泉周邑

鄭伯之享王也王以后之鞶鑑予之

后王也

鞶帶而以為飾也

號公請器王予之爵

爵飲酒器

鄭伯由是

始惡於王

為僖

二十四年鄭執王使張本

秋七月戊戌夫人姜

氏薨

薨寢於諸侯赴於諸侯禮書之

冬

王歸自號

十有二月

葬鄭厲公

二十有二年春王正月肆大眚

省公作

赦有罪也

癸丑葬我小君文姜○陳

人殺其公子御寇

御公穀作禦○御寇宣公太子此書之 二十二年春

陳人殺其大子御寇陳公子完與顓孫奔齊公

完顓孫皆 顓孫自齊來奔齊侯使敬仲為卿敬仲

陳公辭曰羈旅之臣幸若獲宥及於寬政赦其

不閑於教訓而免於罪戾弛於負擔弛去也謂去其負擔

奔走之勞君之惠也所獲多矣敢辱高位以速官謗

請以死告以死自誓詩云翹翹車乘招我以弓豈不

欲往畏我友朋逸詩翹翹遠貌古者聘士以弓使為工正掌百工之

官飲桓公酒樂公曰以火繼之辭曰臣卜其晝

未卜其夜不敢君子曰酒以成禮不繼以淫義

也以君成禮弗納於淫仁也初懿氏卜妻敬仲

懿氏陳大夫其妻占之曰吉懿氏妻是謂鳳凰于飛和

鳴鏘鏘有嬀之後將育于姜五世其昌並于正

卿八世之後莫之與京

京大也

陳厲公蔡出也

姊妹

之子

故蔡人殺五父而立之

在桓六年

生敬仲其少

也周史有以周易見陳侯者

周大史也


陳侯使筮之

遇觀



坤上

之否



坤上

曰是謂觀國之

光利用賓于王此其代陳有國乎不在此其在此

異國非此其身在其子孫光遠而自他有耀者

也坤土也巽風也乾天也風為天於土上山也

巽變為乾

故曰風為天

自

有山

之材

而照之以

天光於是乎居土上

山故曰居土上

有乾下有天

光以互

故曰觀國之光利用賓于王

四為諸侯變而之乾

有國朝庭實旅百奉之以王帛天地之義具焉

故曰利用賓于王良為門庭乾為金玉坤為布帛諸侯朝王陳贄幣之象旅

陳也百言物備猶有觀焉故曰其在後乎觀者視他之

言故知在風行而著於土故曰其在異國乎若

在異國必姜姓也姜大嶽之後也姜姓之先山為堯四嶽

嶽則配天物莫能兩大陳衰此其昌乎變而象

興於大及陳之初亡也昭八年楚滅陳陳桓子始大於

齊桓子敬仲五其後亡也哀十七年楚復滅陳成子得政

成子陳常也敬

仲八夏五月秋七月丙申

世孫繆時闕也

及齊高傒盟于防

諱公盟始與傒為昏惡之大也

冬公

如齊納幣

喪未畢而娶離女親往納幣明書之以示貶

二十有三年春公至自齊○祭

叔來聘

祭叔天子內臣不正其外交故不言使也

夏公如齊觀社

齊因祭社蒐軍實故公往觀之

二十三年夏公如齊觀社非禮

也曹劌諫曰不可夫禮所以整民也故會以訓

上下之則制財用之節朝以正班爵之義帥長

幼之序征伐以討其不然諸侯有王從王王有

巡守以大習之大習會朝之禮非是君不舉

矣君舉必書書而不法後嗣何觀

公至

自齊○荆人來聘

不書荆子使某未成禮此楚交中國之始

公及

齊侯遇于穀蕭叔朝公

蕭附庸國叔名就穀朝公故不言來

晉桓莊之族偪桓叔莊伯子孫獻公患之士蔿曰

去富子則羣公子可謀也已士蔿晉大夫富子二族富

強者公曰爾試其事士蔦與

羣公子謀譖富子而去之

秋丹桓宮楹

秋丹桓宮之楹

桓公

廟也楹柱也將逆夫人故為盛飾

冬十有一月曹伯

射姑卒

○十有二月甲寅公會

齊侯盟于扈

扈鄭地

二十有四年春王三月刻桓宮

桷

也 桷 椽 皆 故 言

二十四年春刻其桷皆非禮也

并 非 丹 楹

之大也

御 孫 魯 大 夫 共 同 恭

先君有共德

而君納諸大惡無乃不可乎

葬曹莊公

○夏公如齊逆女秋公至自齊

八月丁丑夫人姜氏入戊寅大

夫宗婦覲用幣

宗 婦 同 姓 大 夫 之 婦 秋 哀 姜 至 公 使 宗 婦 覲 用 幣 非 禮 也

御孫曰男贄大者玉帛公侯伯子男執玉諸侯世子附庸孤卿執帛

小者禽鳥卿執羔大夫執雉以章物也女贄不過榛

栗棗脩以告虔也榛小栗脩脯也今男女同贄是無別

也男女之別國之大節也而由夫人亂之無乃

不可

乎

大水○冬我侵曹曹羈出

奔陳赤歸于曹

羈曹世子赤曹為

郭公

經闕誤也

晉士蒍又與羣公子謀使殺游氏之二子游氏二子

桓莊之族

士蒍告晉侯曰可矣不過二年君必無患

二十有五年春陳侯使女叔來

聘

女氏叔字陳卿此諸侯交聘之始二十五年春陳女叔來聘始結陳好也嘉之故不名

夏

五月癸丑衛侯朔卒○六月辛

未朔日有食之鼓用牲于社

夏六

月辛未朔日有食之鼓用牲于社非常也

不鼓於朝

而鼓於社不用幣而用牲非常禮也唯正月之朔慝未作

周之六月夏之

四月正陽之日有食之於是乎用

幣于社伐鼓于朝用幣以請神

伯姬歸

于杞

莊公也

秋大水鼓用牲于社于

門

門國也

秋大水鼓用牲于社于門亦非常

也凡天災有幣無牲非日月之眚不鼓

冬公子友如陳

報女叔也此內聘大夫出始



晉士蔿使羣公子盡


殺游氏之族乃城聚而處之

聚

冬晉侯圍聚盡殺羣公子

二十有六年春公伐我夏公至

自伐我



二十六年春晉士蔦為大司空卿官也夏士蔦城絳以深其宮

是年晉始絳都

曹殺其大夫

不稱名非其罪後倣此此專殺大夫之始

秋公

會宋人齊人伐徐

徐國名嬴姓子爵

冬

秋號人侵晉冬

號人又

侵晉

十有二月癸亥朔日有食

之

二十有七年春公會杞伯姬于

洮

洮魯地也非諸侯之事

二十七年春公會杞伯姬于洮非事天子非展義不巡守諸侯非民

事不舉卿非

君命不越竟

夏六月公會齊侯宋

公陳侯鄭伯同盟于幽

夏同盟于幽陳鄭服

也

秋公子友如陳葬原仲

原氏仲字陳大

私禮故

秋公子友如陳葬原

仲非禮也原仲季友之舊也

冬杞伯姬

來

冬杞伯姬來歸寧也凡諸侯之女歸寧曰來出曰來歸夫人歸寧曰如某出曰歸于

某

莒慶來逆叔姬

慶莒大夫叔姬莊公女

杞伯

來朝

杞浸弱故降爵稱伯

公會齊侯于城濮

城濮地衛

將討衛也

○晉侯將伐虢士蒍曰不可虢公驕若驟得勝於我必棄其民無衆而後伐之欲

禦我誰與夫禮樂慈愛戰所畜也夫民讓事樂和愛親哀喪而後可用也虢弗畜也亟戰將饑

數戰妨農

將有饑饉

二十有八年春王三月甲寅齊人伐衛衛人及齊人戰衛人敗

績

王使召伯廖賜齊侯命

召伯廖王卿士且賜命為侯伯

請伐衛以其立子績也二十八年春齊侯

伐衛戰敗衛師數之以王

命取賂而還

齊侯稱人賂其取賂

夏四月丁未

邾子瑱卒



晉獻公娶于賈無子

賈國名姬

姓烝於齊姜武公妾生秦穆

夫人及大子申生又娶二女於我大我狐姬生

重耳

大戎唐叔子孫別在我狄者出自狐伯行故為狐氏

小戎子生夷吾

小戎兄姓之戎

晉伐驪戎驪戎男女以驪姬

驪戎姬姓男爵納女

於人歸生奚齊其娣生卓子驪姬嬖欲立其子

賂外嬖梁五與東關嬖五

二五皆晉大夫為公所嬖

使言於

公曰曲沃君之宗也

宗廟所在

蒲與二屈君之疆也

不可以無主宗邑無主則民不威疆場無主則

啓戎心戎之生心民慢其政國之患也若使大

子主曲沃而重耳夷吾主蒲與屈則可以威民

而懼戎且旌君伐

伐功也

使俱曰狄之廣莫於晉

為都晉之啓土不亦宜乎

廣莫狄地之曠絕也即謂蒲屈獻公未決

故復使二五俱說

晉侯說之夏使大子居曲沃重耳居

蒲城夷吾居屈羣公子皆鄙

鄙邊邑

唯二姬之子

在絳二五卒與驪姬譖羣公子而立奚齊晉人

謂之二五耦

共耕

耦言相比為奸

秋荆伐鄭公會齊人

宋人救鄭

宋人下公有邾婁人之始

楚令尹子

元欲蠱文夫人

文王夫人息媯也子元文王弟

蠱惑也

為館於其宮側而振萬焉

振動也

夫人聞之

泣曰先君以是舞也習戎備也今令尹不尋諸

仇讎而於未亡人之側不亦異乎御人以告子

元

婦人夫死稱未亡人御人夫夫人之侍人

子元曰婦人不忘襲讎

我反忘之秋子元以車六百乘伐鄭入于桔柣

之門

桔柣鄭遠郊門

子元闚御彊闚梧耿之不比為旆

子元與三子建旆居前廣闢班王孫游王孫喜

殿衆車入自純門及達市純門鄭外郭門也縣

門不發楚言而出子元曰鄭有人焉縣門者編

懸門上有寇則發機而內城門之鄭諸侯救鄭楚師

夜遁鄭人將奔桐丘地名丘謀

告曰楚幕有烏乃止已知楚師冬築郿公郿

微○郿築郿非都也凡邑有宗廟先君之

主曰都無曰邑邑曰築都曰城四縣為都四井為邑大

無麥禾書於冬者五穀畢入臧孫辰告糴于

計食不足而後書也

齊

臧孫辰即冬饑臧孫
辰告糴于齊禮也

二十有九年春新延廋

二十九年春新作延

廋書不時也

經無作字蓋闕

凡馬日中而出日

中而入

日中春秋分也馬以春分出野

夏鄭

人侵許

夏鄭人侵許凡師有鐘鼓

秋有

蜚

秋有蜚為災也凡物不為災不書

冬十有二月紀

叔姬卒

叔姬守義故繫紀而賢之

城諸及防

諸防皆魯邑冬十二

月城諸及防書時也凡土功龍見而畢務戒事

也夏九月龍星角亢晨見東方三務始畢戒民以事火見而致用心星

致築作之物水昏正而栽夏十月定星昏中於是樹

板榦而興作日至而畢日南至微陽始動故土功息

三十年春王正月○夏次于成

夏下公穀有師字○成魯

樊皮叛王樊皮周大夫三十樊采地皮名

地齊將降○年春王命虢公討樊皮夏四

赤火

卷三

莊公

三十二

月丙辰號公入樊執

樊仲皮歸于京師

秋七月齊人降

鄆

鄆紀附庸

八月癸亥葬紀叔姬

九月庚午朔日有食之鼓用牲

于社

楚公子元歸自伐鄭而慶王宮

欲遂

盡文夫人

闕射師諫則執而梏之

射師闕廡

秋申公闕班殺子元

申楚縣也楚僭號縣尹皆稱公

闕穀於菟

為令尹

穀音

自毀其家

城其綠邑之俸

以紓楚國之難

冬公及齊侯遇于魯濟

濟水歷齊魯界為齊濟魯冬遇

于魯濟謀山戎也以

其病燕故也山戎北狄

齊人伐山戎

三十有一年春築臺于郎譏厲民也夏

四月薛伯卒○築臺于薛薛魯地六

月齊侯來獻戎捷

三十一年夏六月齊侯來獻戎捷非

禮也凡諸侯有四夷之功則獻于王王
以警于夷中國則否諸侯不相遺俘
秋築

亭于秦
魯秦地冬不雨

三十有二年春城小穀
三十二年春城小穀

為管仲也
范甯曰小穀魯地高閼曰杜預以小穀為齊邑左氏云為
夏宋
管仲城之非也昭十一年傳云齊桓城穀而寘管仲此齊穀也非魯之小穀

公齊侯遇于梁丘
梁丘曹邾間地齊侯為楚
伐鄭之故請會于

諸侯宋公請先見于

齊侯夏遇于梁丘

秋七月

秋七月有

神降于莘

莘號地

惠王問諸內史過曰是何故也

內史過對周大夫

曰國之將興明神降之監其德也將亡神又降

之觀其惡也故有得神以興亦有以亡虞夏商

周皆有之王曰若之何對曰以其物享焉其至

之日亦其物也

若以甲乙日至祭先脾王用蒼服上青以此類祭之

王從

之內史過往聞號請命

聞號請神求賜土田之命

反曰號必

亡矣虐而聽於神神居莘六月號公使祝應宗

區史囂享焉神賜之土田

祝大祝宗宗人史大史應區囂皆名史

嚚曰號其亡乎吾聞之國將興聽於民將亡聽

於神神聰明正直而壹者也依人而行唯德是與號

多涼德其何土之能

得涼薄也為倍二

癸巳公子牙卒

牙慶父同初公築臺臨黨氏黨音掌黨見孟任

從之閼孟任黨氏女從之而以夫人言許之許為

夫割臂盟公生子般焉雩講于梁氏女公子觀

之雩祭天也講肆也梁氏國人牽自牆外與之

戲國人掌養馬者子般怒使鞭之公曰不如殺之是不

可鞭竿有力焉能投蓋于稷門稷門魯南城門投蓋謂投車蓋

過于公疾問後於叔牙對曰慶父材問於季友

對曰臣以死奉般公曰鄉者牙曰慶父材成季

使以君命命僖叔待于鍼巫氏成季季友鍼使

鍼季酖之酖鳥名以羽畫酒飲則死曰飲此則有後於魯國

不然死且無後飲之歸及達泉

而卒立叔孫氏達泉魯地不以罪誅故得立後

八月癸亥

公薨于路寢

路寢八月癸亥公薨于路寢子般即位次于黨氏

冬十月己未子般卒

己未公歿作乙未○般稱子公卒諱之也書冬十

月已未共仲使圉人犇賊子般于黨

氏共仲

成季奔陳立閔公

莊公庶子時年八歲

公子

慶父如齊

國人求適與故齊王

狄伐邢

春秋卷第三



